

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

«Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс нуӧдӧм йылысь

Сы могысь, медым кыпӧдны полицияса патрульно-постӧвӧй службаын уджалысьлысь уджикас да ӧтйӧза пӧрадок, гражданалысь да налысь эмбурлысь безопасностсӧ видзӧмын сылысь пай пыдди пуктӧмсӧ, бурмӧдны полицияса патрульно-постӧвӧй службалӧн юкӧдувъясын уджалысьяслысь уджикасын кужанлунъяссӧ, Коми Республикаса Веськӧдлан котыр шуис:

1. Нуӧдны 2023 воын «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс.

2. Вынсьӧдны «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс нуӧдан пӧрадоксӧ 1 №-а содтӧд серти.

3. Лӧсьӧдны «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс дасьтысь да нуӧдысь конкурсса комиссия да вынсьӧдны сэтчӧ пырысьяссӧ чинъяс серти 2 №-а содтӧд серти.

4. Вынсьӧдны «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс нуӧдысь конкурсса комиссия йылысь положениесӧ 3 №-а содтӧд серти.

5. Вӧзйыны Россияса ПДМ мутас органъяслы Коми Республикаын районса тшупӧдын пырӧдчыны «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс котыртӧмӧ да нуӧдӧмӧ.

6. Тайӧ шуӧмыс вынсялӧ сійӧс официальной публикуйтан лун бӧрын дас лун кольӧм мысти.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2023 вося моз тӧлысь 8 лун
375 №

ВЫНСЬӦДӦМА
Коми Республикаса Вєськӧдлан котырлӧн
2023 во моз тӧлысь 8 лунся 375 №-а шуӧмӧн
(1 №-а содтӧд)

«Коми Республикаын полицияса
патрульно-постӧвӧй службаын медбур уджалысь»
ним вылӧ республиканскӧй конкурс нуӧдан
ПӦРАДОК

1. Тайӧ Пӧрадокыс урчитӧ «Коми Республикаын полицияса патрульно-постӧвӧй службаын медбур уджалысь» ним вылӧ республиканскӧй конкурс котыртан да нуӧдан правилӧяссӧ да условиеяссӧ (водзӧ лӧсялӧмӧн – Пӧрадок, конкурс).

2. Конкурс нуӧдӧмсӧ котыртысьӧн лоӧ Коми Республикаса юстиция министерство (водзӧ – Котыртысь).

3. Конкурссӧ пырӧдчысьясӧн лоӧны Россияса ПДМ мутас органъяслӧн Коми Республикаын районса тшупӧдын полицияса патрульно-постӧвӧй службалӧн стрӧевӧй юкӧдувьясын уджалысьяс, кодъяслӧн абуӧсь вештытӧм дисциплинарнӧй мыждӧмьяс (водзӧ – конкурссӧ пырӧдчысьяс).

4. Конкурссӧ нуӧдӧны сы могысь, медем:

1) кыпӧдны полицияса патрульно-постӧвӧй службаын уджалысьлысь уджикас да ӧтйӧза пӧрадок, гражданалысь да налысь эмбурлысь безопасностсӧ видзӧмын сылысь пай пыдди пуктӧмсӧ;

2) бурмӧдны полицияса патрульно-постӧвӧй службалӧн юкӧдувьясын уджалысьяслысь уджикасын кужанлуньяссӧ.

5. Конкурслӧн шӧр могьясӧн лоӧны:

1) ышӧдны Россияса ПДМ мутас органъяслӧн Коми Республикаын районса тшупӧдын полицияса патрульно-постӧвӧй службалӧн стрӧевӧй юкӧдувьясын уджалысьясӧс пыр кыпӧдны уджикасын ассыныс тӧдӧмлун тшупӧдсӧ;

2) бурмӧдны полицияса патрульно-постӧвӧй службалӧн стрӧевӧй юкӧдувьясын уджалысьяслысь оперативно-служебнӧй уджсӧ ӧтйӧза пӧрадок видзӧмын, инӧд торкалӧмьясысь ӧлӧдӧмын да найӧс дугӧдӧмын, мыж вӧчӧмьяс аддзӧмын, гражданалысь инӧдьяссӧ да интересьяссӧ дорйӧмын.

6. Конкурссӧ нуӧдӧны кык этапӧн:

1) бӧрьян – нуӧдӧны Россияса ПДМ мутас органъяслӧн Коми Республикаын районса тшупӧдын 2023 вося кӧч тӧлысь 1 лунсянь 20 лунӧдз периодӧ;

2) финальнӧй – нуӧдӧ Котыртысь конкурслӧн бӧрьян этапьясын вермысьяс пӧвстын 2023 вося йирым тӧлысь 11 лунсянь 30 лунӧдз периодӧ.

7. Котыртысь могмӧдӧ йӧзӧс юӧртан средствоясын, «Ӧтуввез» юӧртан да телекоммуникация везйын аслас официальной сайтын

конкурслысь бөрьян да финальной этапяс нуодом йылысь юөр йөзөдөмсö, а сіджö котыртö индом юöрсö «Öтуввез» юөртан да телекоммуникация везйын Коми Республикаын пытшкöс делöяс министерстволөн официальной сайтын налөн заводитчытöдз 30 календарной лунысь оз водзджык конкурслысь бөрьян да финальной этапяс нуодны заводитан да помалан кадпасьяс, а сіджö индом этапясын документьяс сетан кадколастьяс индомön йөзөдөмсö.

8. Конкурслысь бөрьян этапсö котыртöны да нуөдоны Россияса ПДМ мутас органьяслөн Коми Республикаын районса тшупöдын конкурсса комиссияс, кытчö сіджö пырöны Коми Республикаын меставывса асвескөдлан органьясöс (сёрнитчөмön), öтйöза организациясöс (сёрнитчөмön) петкөдлысьяс.

Конкурслөн бөрьян этапын конкурсса комиссияö (водзö – бөрьян конкурсса комиссия) пырысьяссö да налысь уджалан пöрадоксö вöзйöма вынсьөдны Россияса ПДМ мутас органьяслөн Коми Республикаын районса тшупöдын тайö Пöрадокса Положениеяссö тöд вылö босьтөмön.

9. Конкурслөн бөрьян этапын вермысь серти бөрьян конкурсса комиссия оформитö конкурслөн бөрьян этаплысь доньялан листсö тайö Пöрадок дорö 2 содтöдын индом форма серти (водзö – конкурслөн бөрьян этапын доньялан лист) «Коми Республикаын полицияса патрульно-постöвöй службаын медбур уджалысь» ним вылö республиканскöй конкурсö пырöдчысьясöс баллясөн доньялан муртöсьяссö да лыда петкөдласьяссö тöд вылö босьтөмön, кутшөмьясöс индома тайö Пöрадок дорö 1 содтöдын (водзö – муртöсьяс).

10. Конкурслөн бөрьян этап помасян лунсянь 20 календарной лун чöжөн бөрьян конкурсса комиссия конкурслөн бөрьян этапын вермысь серти сетö Котыртысьлы татшөм документьяс (водзö – конкурсса материальяс):

- 1) конкурсса бөрьян этаплөн доньялан лист;
- 2) конкурслөн бөрьян этапын вермысьöс индом йылысь бөрьян конкурсса комиссиялөн помшүөм (сёрнигжөд);
- 3) содтöд юөр да материальяс (эм кө).

Содтöд юöрсö сетöны справкаясөн (тайö Пöрадоклөн 14 пунктын индом быд петкөдлас серти торйөн) да кырымавсьö бөрьян конкурсса комиссияөн веськөдлысьөн.

Конкурслөн бөрьян этапын вермысь серти конкурсса материальяскөд öтвылысь ыстöны сылөн паспортлысь да вот органын учёт вылö босьтөм йылысь эскөдангжөдлысь копияссö, сылысь аспас обработайтөм вылö сöгласлунсö да банка тшöтлөн реквизитьяс йылысь тöдмөгьяссö.

11. Тайö Пöрадоклөн 10 пунктын индом документьяссö да конкурсса материальяссö (водзö – документьяс да конкурсса материальяс) ыстöны бумага вылын пошта связь пыр либö Котыртысьлы киас конкурслөн финальной этапса документьяс примитны помалан кадколастысь оз сёрджык.

Котыртысь пасйö бöрьян конкурсса комиссиясьнь воём документьяссö да конкурсса материальяссö найöс босьтан (сетан) лунö конкурслөн финальнöй этапса документьяс да конкурсса материальяс примитан журналын (водзö – документьяс примитан журнал), кутшöмлысь формасö вынсьöдö Котыртысь конкурслысь бöрьян этап нуöдны заводиттöдз 10 календарнöй лунысь оз сёрджык.

Документьяссö да конкурсса материальяссö, кутшöмьясöс сетöма конкурслөн финальнöй этапса документьяс примитны помалан кадколастысь сёрджык да (либö) кутшöмьясöс оформитöма тайö Пöрадоклөн 9 да 10 пунктьясса корöмьяс торкалöмөн, видлавны оз примитны да бөр сетöны бöрьян конкурсса комиссияö найöс босьтан (сетан) лунö.

Документьяссö да конкурсса материальяссö, кутшöмьясöс оформитöма тайö Пöрадоклөн 9 да 10 пунктьясса корöмьяссö торкалöмөн, эрдöдöм торкалöмьяссö бырöдöм бöрын вермöны выль пöв сетны Котыртысьлы конкурслөн финальнöй этапса документьяс примитны помалан кадколастысь оз сёрджык.

12. Котыртысь конкурслөн финальнöй этапса документьяс примитан кадколаст помасьöм бöрын 10 календарнöй лун чöжөн воём документьяссö да конкурсса материальяссö ыстö «Коми Республикаын полицияса патрульно-постöвöй службаын медбур уджалысь» ним вылö республиканскöй конкурс нуöдан конкурсса комиссияö (водзö – конкурсса комиссия) конкурслысь кывкöртöдьяс вöчöм вылö.

13. Конкурсын вермысьяссö индöны конкурсса комиссияö документьяс да конкурсса материальяс воан лунсянь 15 календарнöй лун чöжөн сылөн заседание дырйи Россияса ПДМ мутас органьяссö Коми Республикаын районса тшупöдын кык группа вылö юклöмсö тöд вылö босьтöмөн:

1) медводдза группа – «Сыктывкар» КК МЮ;

2) мöд группа – «Воркута» КК МЮ, «Инта» МК МЮ, «Усинск» МК МЮ, «Ухта» МК МЮ, «Печора» МР МЮ, «Сосногорск» МР МЮ, «Емдін» МР МЮ, «Кулöмдін» МР МЮ, «Сыктывдін» МР МЮ, «Изьва» МР МЮ, «Княжпогост» МР МЮ, «Кöрткерöс» МР МЮ, «Луздор» МР МЮ, «Сыктыв» МР МЮ, «Удора» МР МЮ.

14. Сэк, кор конкурслөн бöрьян этапын вермысь серти сетöны содтöд юөр да материальяс, конкурсса комиссия доньялö найöс, кутшöмлөн бöртасьяс серти сетö конкурслөн бöрьян этапын вермысьлы содтöд балляс, кутшöмьяслөн öтувья лыдыс оз вермы лоны 3 баллысь унджык.

Конкурслөн бöрьян этапын вермысь серти содтöд юөр да материальяс доньялан бöртасьяс серти конкурсса комиссия оформитö конкурслөн финальнöй этапса доньялан листсö форма серти тайö Пöрадок дорö 3 содтöд серти (водзö – конкурслөн финальнöй этапса доньялан лист).

Содтöд юöрсö да материальяссö сетöны оперативно-служебнöй уджлөн татшöм нырвизьяс серти да доньявсьöны быд петкöдлас серти 1 баллысь оз унджык:

1) абу служебной кадö граждана пöвстын профилактика удж нуодöмö, инöда тöдöмлуньяс паськөдöмö, патриотизмö велöдöмö пырöдчöм;

2) конкурсö пырöдчысьөн вöчöмторьяс збыльмөдöм, кутшöмьяс йитчöны быдсикас лоёмтор дырйи йöз вöсна тöждысьöмкөд, повтöмлункөд да героизмкөд, мый отсаліс видзны гражданалысь оломсö да дзоньвидзалунсö;

3) конкурсö пырöдчысьöс бура петкөдлысь мукөд тöдмөг.

15. Конкурслысь финальной этап нуодан бöртасьяс серти конкурслөн бöрьян этапын быд вермысь серти арталöны кывкöрталан балл конкурслөн бöрьян этапса доньялан листын индöм пунктöм öтувья баллсö конкурслөн финальной этапса доньялан листын индöм öтувья балл дорö содтöмөн.

Артмöм кывкöрталан балляссö ранжируйтöны медыджыд значенисянь заводитöмөн да медічöt значениеөн помалöмөн да лöсьöдöны конкурслөн бöрьян этапын вермысьяслысь öтувья рейтинг тайö Пöрадоклөн 13 пунктын индöм быд группаын медводдза, мөд, коймөд места лöсьлөмөн индöмөн.

16. Конкурсын вермысьясөн шуöны тайö Пöрадоклөн 13 пунктын индöм быд группаын конкурслөн бöрьян этапын вермысьясöс, кодьяс чукöртісны медуна балл лыд конкурсса материальяс доньялан кывкöртöдьяс серти.

Сэк, кор балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 1 муртöс серти.

Сэк, кор 1 муртöс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 2 муртöс серти.

Сэк, кор 1, 2 муртöсъяс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 3 муртöс серти.

Сэк, кор 1, 2, 3 муртöсъяс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 4 муртöс серти.

Сэк, кор 1, 2, 3, 4 муртöсъяс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 5 муртöс серти.

Сэк, кор 1, 2, 3, 4, 5 муртöсъяс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 6 муртöс серти.

Сэк, кор 1, 2, 3, 4, 5, 6 муртöсъяс серти балл лыдыс öтмында, конкурсын вермысьөн шуöны пырöдчысьöс, коді чукöртöма медуна балл лыдсö 7 муртöс серти.

17. Сэк, кор тайö Пöрадоклөн 16 пунктын индöм муртöсъяс серти балл лыдыс öтмында, конкурсын вермысьөн шуöны пырöдчысьöс, кодлысь кадпас серти водзджык пасйöмаöсь документьяссö да конкурсса материальяссö документьяс примитан журналын.

18. Тайö Пöрадоклөн 13 пунктын индöм быд группаын конкурсын

вермысьяслы сетсьоны медводдза, мөд, коймөд местаяс тайö Пöрадоклön 22 пунктön урчитöм мындаын сьöмön призьяс да вермысьлысь диплом сетöмön.

Котыртысь вынсьöдö конкурсын вермысьлön дипломлысь образецö конкурслысь бöрьян этап нуöдны заводитöдз 10 календарнöй лунысь оз сёрджык.

19. Конкурсса комиссиялön сёрнигижöд подувылын Котыртысь йöзöдö конкурслön кывкöртöдьяс йылысь тшöктöд (водзö – тшöктöд) конкурсса комиссиялысь заседание нуöдан лунсянь 20 календарнöй лун чöжön.

20. Котыртысь гижöмön юöртö конкурсын вермысьяслы конкурслön бöртасьяс йылысь пошта связь пыр тшöктöд йöзöдан лунсянь 20 календарнöй лун чöжön.

21. Конкурсын вермысьяслы наградасö кыпыда сетö конкурсса комиссиян веськöдлысь тшöктöд йöзöдан лунсянь 60 календарнöй лун чöжön.

22. Тайö Пöрадоклön 13 пунктын индöм быд группаын конкурсын вермысьяслы сьöмön призсö мынтöны татшöм мындаын:

- 1) медводдза местаысь – 80,0 (көкъямысдас) сюрс шайт;
- 2) мөд местаысь – 50,0 (ветымын) сюрс шайт;
- 3) коймөд местаысь – 30,0 (комын) сюрс шайт.

23. Котыртысь могмөдö конкурс нуöдан бöртасьяс йылысь юöрсö йöзöс юöртан средствоясын, «Öтуввез» юöртан да телекоммуникация везйын аслас официальной сайтын йöзöдöмсö, а сідзжö котыртö индöм юöрсö «Öтуввез» юöртан да телекоммуникация везйын Коми Республикаын пытшкöс делöяс министерстволön официальной сайтын тшöктöд йöзöдан лунсянь 20 календарнöй лун чöжön йöзöдöмсö.

24. Котыртысь мынтö сьöмön призьяссö, вöчö конкурсын вермысьяслысь дипломьяссö Коми Республикаса республиканскöй сьöмкуд сьöм тшöт весьтö «Öтйöза пöрадок могмөдöм да мыж вöчöмлы паныд удж нуöдöм» Коми Республикалön канму уджтасса мероприятиеяс збыльмөдöм серти, кутшöмöс вынсьöдöма Коми Республикаса Веськöдлан котырлön 2019 во йирым тöлысь 31 лунся 527 №-а шуöмön.

25. Конкурсын вермысьлы сьöмön призсö мынтöны банкын либö мөд кредитнöй организацияын сылы восьтöм банка тшöт вылö сьöмсö вужжöдöмön тшöктöд йöзöдан лунсянь 40 календарнöй лун чöжön.

26. Конкурсö пырöдчöм вылö документьяс да конкурсса материальяс дасьтöм, сетöм да петкөдлöм вылö пырöдчысьяс видзöны ассьыныс сьöмсö.

«Коми Республикаын полицияса
патрульно-постовой службыын медбур уджалысь»
ним выло республиканской конкурс нуодан
порядок дорö
1 СОДТÖД

«Коми Республикаын полицияса патрульно-постовой службыын медбур
уджалысь» ним выло республиканской конкурсо пыродчысьясос баллясөн
доньялан
МУРТÖСЪЯС
да лыд серти петкодласьяс

Д/в №	Петкодласлөн ним	Петкодлас		Балляс
		1 группа	2 группа	
1.	Конкурс нуодан во водзын мунысь воон эрдөдөм мыж лыд	8 да унджык	3 да унджык	5
		5-сянь 8-өдз	2	3
		4-өдз	1	1
2.	Конкурс нуодан во водзын мунысь воысь административной инөд торкаломьясө эрдөдөм	200 сайө	150 сайө	5
		100-сянь 200- өдз	50-сянь 100- өдз	3
		100-өдз	50-өдз	1
3.	Конкурс нуодан во водзын мунысь воысь урчитөм йөзлөн лыд, кодьяс розыскынөсь	30 сайө морт	4 сайө морт	5
		15 мортянь 30 мортөдз	2 мортянь 4 мортөдз	3
		15 мортөдз	2 мортөдз	1
4.	Служебнөя дасьтысьөм серти төдөмлуньяс доньялөм (нуөдөны ПППС-лөн уджкөд йитчөм нормативной инөда актьяс серти төдөмлуньяс тестируйтөмөн. Тестьясө пырө 20-ысь абу этшаджык юалөм некымын вочакыв вариантөн)	20 стөч вочакыв		3
		18-сянь 19-өдз стөч вочакыв		2
		16-сянь 17-өдз стөч вочакыв		1
5.	Лыйсьыны дасьтысьөм серти төдөмлуньяс доньялөм (нуөдөны оружьелысь материальной юкөн, безопасосьт серти мераяс, оружьеон вөдитчан правилөяс, лыйсьөмьяс серти нормативьяс да упражненияс вөчан условияс да порадок серти төдөмлуньяс тестируйтөмөн. ¹ Тестьясө пырө 20-ысь абу этшаджык юалөм некымын вочакыв вариантөн)	20 стөч вочакыв		3
		18-сянь 19-өдз стөч вочакыв		2
		16-сянь 17-өдз стөч вочакыв		1
6.	Кытшьяса грудной фигура кузя 4 упражнение подув вылын (мишень; 4с) Макаровлөн пистолетысь торья упражнение вөчөм, кутшөмөс урчитөма Лыйсьыны дасьтысьөмсө котыртөм серти туйдөдөмьяслөн 88.3.1 пунктөн.	35-сянь 40-өдз шедөдөм очко		3
		30-сянь 34-өдз шедөдөм очко		2
		25-сянь 29-өдз шедөдөм очко		1
7.	Физическөя дасьтысьөм серти нормативьяс вөчөм (татчө пырөны	чукөртөма арлыд да рөд		3

¹ «Россия Федерацияса пытшкөс делөяс органьясын лыйсьыны дасьтысьөмсө котыртөм серти туйдөдөмьяс вынсьөдөм йылысь» Россияса ПДМ 2017 во вольгым төлысь 23 лунся 880 №-а тшөктөд.

<p>вын-эбос вылө упражненияс (сёр вылын лэптасьом, куйломөн кияс кусынтөм да веськөдөм, мужичой конкурсантыяслы 24 кг сьокта гира лэптөм, нывбаба конкурсантыяслы мыш вылын куйломөн водзлань копрасьом), өд да пельклун (челночнөя котөртөм 10 x 10м²)</p> <p>Балгыясө индөны физическөя дасьтысьом серти нормативьяс вөчөмысь Россияса ПДМ 275 №-а тшөктөдөн вынсьөдөм балгыяс индан методикаяс серти пырөдчысылысь арлыд серти группасө төд вылө босьтөмөн</p>	<p>корана нормативысь 20 сайө балл</p>	
	<p>чукөртөма арлыд да рөд корана нормативысь 15 сайө балл</p>	<p>2</p>
	<p>чукөртөма 10 сайө балл</p>	<p>1</p>

²«Россия Федерацияса пытшкөс делөяс органьясын чиньясын уджалөм вылө кадрьяс дасьтөмсө котырган пөрадок вынсьөдөм йылысь» Россияса ПДМ 2018 во ода-кора төлысь 5 лунся 275 №-а тшөктөд.

«Коми Республикаын полицияса
патрульно-постовой службыын медбур уджалысь»
ним выло республиканской конкурс нуодан
порядок дор
2 СОДТОД

Конкурслон борьян этапын
ДОНЬЯЛАН ЛИСТ

(конкурслон борьян этапын вермыслон ов, ним, вич)

Д/в №	Петкодлас	Балляс
1.	Эрдодом мыж лыд серти служебной уджлысь петкодлас доньялом	
2.	Эрдодом административной инод торкаломлон лыд серти служебной уджлысь петкодлас доньялом	
3.	Урчитом йозлон лыд серти, кодьяс розыскынось, служебной уджлысь петкодлас доньялом	
4.	Служебной дасьтысьом серти тодомлуньяс доньялом	
5.	Лыйсыны дасьтысьомын тодомлуньяс доньялом	
6.	Кытшьяса грудной фигура кузя 4 упражнение подув вылын (мишень; 4с) Макаровлон пистолетысь торья упражнение вочом, кутшомос урчитома Лыйсыны дасьтысьомсö котыртөм серти туйдодомьяслон 88.3.1 пунктон	
7.	Физическая дасьтысьом серти нормативьяс вочом	

борьян конкурсса комиссияон веськодлыслон чин, НВО, кырымпас

кадпас

«Коми Республикаын полицияса
патрульно-постовой службыын медбур уджалысь»
Ним выло республиканской конкурс нуодан
пöрадок дорö
3 СОДТÖД

Конкурслöн бöрьян этапын
ДОНЬЯЛАН ЛИСТ

(конкурслöн бöрьян этапын вермысьлöн ов, ним, вич)

Д/в №	Петкöдлас	Балляс
1.	Абу служебной кадö граждана пöвстын профилактика удж нуöдöмö, инöда тöдöмлуньяс паськöдöмö, патриотизмö велöдöмö пырöдчöм	
2.	Конкурсö пырöдчысьöн вöчöмторьяс збыльмöдöм, кутшöмьяс йитчöны быдсикас лöбмтор дырйи йöз вöсна тöждысьöмкöд, повтöмлункöд да героизмкöд, мый отсалiс видзны гражданысь олöмсö да дзоньвидзалунсö	
3.	Конкурсö пырöдчысьöс бура петкöдлысь мукöд тöдмöг	

конкурсса комиссиян веськöдлысьлöн чин, НВО, кырымпас

кадпас

ВЫНСЬӨДӨМА
Коми Республикаса Веськөдлан котырлөн
2023 во моз тöлысь 8 лунся 375 №-а шуöмөн
(2 №-а содтöд)

«Коми Республикаын полицияса патрульно-постöвöй службаын
медбур уджалысь чиньяс серти» ним вылö республиканскöй конкурс
дасьтысь да нуöдысь конкурсса комиссиялөн

СОСТАВ

1. Коми Республикаса Веськөдлан котырөн Юрнуöдысьöс вежысь, кодi кывкутана могъяс юклöм серти ладмöдö Коми Республикаын инöд торкалöмьясысь öлöдан юкöнын канму политика збыльмöдан мераяс дасьтан да примитан юкöнын юалöмьяс серти Коми Республикаса олöмö пöртысь власьт органьяслысь уджсö (конкурсса комиссияөн веськөдлысь).

2. Коми Республикаын пытшкöс делöяс министрöс вежысь – полицияса начальник (конкурсса комиссияөн веськөдлысьöс вежысь) (сёрнитчöмөн).

3. Коми Республикаса юстиция министерствоын канму органьяскöд да меставывса асвеськөдлан органьяскöд öтув уджалöм серти юкөнса начальник (конкурсса комиссиялөн кывкутысь секретар).

4. Коми Республикаса юстиция министр.

5. Коми Республикаын пытшкöс делöяс министерстволөн полицияса начальникöс вежысь (öтйöза пöрадок видзöм серти) (сёрнитчöмөн).

6. Коми Республикаын пытшкöс делöяс министерствоын öтйöза пöрадок видзöмсö котыртöмөн да Коми Республикаса олöмö пöртысь власьт органьяскöд да меставывса асвеськөдлан органьяскöд öтув уджалöмөн веськөдланінса начальник (сёрнитчöмөн).

7. Коми Республикаын пытшкöс делöяс министерстволөн личнöй составкöд удж серти веськөдланінса начальникöс вежысь (сёрнитчöмөн).

ВЫНСЬӨДӨМА
Коми Республикаса Веськөдлан котырлөн
2023 во моз тöлысь 8 лунся 375 №-а шуомөн
(3 №-а содтöд)

«Коми Республикаын полицияса
патрульно-постöвöй службаын медбур уджалысь» ним вылö
республиканскöй конкурс нуöдысь конкурсса комиссия йылысь
ПОЛОЖЕНИЕ

1. «Коми Республикаын полицияса патрульно-постöвöй службаын медбур уджалысь» ним вылö республиканскöй конкурс нуöдысь конкурсса комиссиясö (водзö – конкурсса комиссия) лöсьöдöны сы могысь, медым вöчны «Коми Республикаын полицияса патрульно-постöвöй службаын медбур уджалысь» ним вылö республиканскöй конкурслысь кывкöртöдъяс (водзö – конкурс).

2. Коми Республикаса Веськөдлан котыр вынсьöдö да вежö конкурсса комиссияö пырысьяссö.

3. Конкурсса комиссиясö пырöны конкурсса комиссияөн веськөдлысь, конкурсса комиссияөн веськөдлысьöс вежысь, конкурсса комиссиялөн кывкутысь секретар, Коми Республикаса олөмö пöртысь власьт органöс – конкурс нуöдöмсö котыртысьöс, Коми Республикаын пытшкöс делöяс министерствоöс петкөдлысьяс лыдысь конкурсса комиссияö пырысьяс (сёрнитчöмөн).

4. Конкурсса комиссия аслас уджын подуласьö Россия Федерацияса Оланподув, федеральнöй оланпасьяс да Россия Федерацияса мукöд нормативнöй инöда акт, Коми Республикаса Оланподув, Коми Республикаса оланпасьяс да Коми Республикаса мукöд нормативнöй инöда акт, а сідзжö тайö Положение вылö.

5. Конкурсса комиссиялөн могөн лоö конкурсын вермысьясöс индöм.

6. Конкурсса комиссиялысь заседанияссö индöны конкурсса комиссияөн веськөдлысьлөн либö конкурсса комиссияөн веськөдлысьöс вежысьлөн водзмöстчöм серти «Коми Республикаын полицияса патрульно-постöвöй службаын медбур уджалысь» ним вылö республиканскöй конкурс нуöдан пöрадоклөн 13 пунктын индöм кадколастö кутчысьöмсö тöд вылö босьтöмөн, кутшöмöс вынсьöдöма «Коми Республикаын полицияса патрульно-постöвöй службаын медбур уджалысь» ним вылö республиканскöй конкурс нуöдöм йылысь» Коми Республикаса Веськөдлан котырлөн 2023 во моз тöлысь 8 лунся 375 №-а шуомөн.

Конкурсса комиссиялөн кывкутысь секретар ыстö конкурсса комиссиялөн заседаниелөн кадпас да кад йылысь уведомлениесö конкурсса комиссияö пырысьяслы конкурсса комиссиялысь заседание нуöдан лунöдз 5 уджалан лунысь оз сёрджык.

7. Конкурсса комиссиялысь заседаниесö нуöдö конкурсса комиссияөн веськöдлысь либö сылөн тшöктöм серти конкурсса комиссияөн веськöдлысьöс вежысь.

8. Конкурсса комиссияö пырысьяс асьныс пырöдчöны конкурсса комиссиялөн заседаниесö да оз вермыны делегируйтны асьыныс уджмогъяснысö мукöд йöзлы, сы лыдын конкурсса комиссияö мукöд пырысьлы.

9. Конкурсса комиссиялөн заседаниелөн сёрнитанторйö пыртöм юалöмъяс видлалигөн да гөлöсуйтигөн конкурсса комиссияö пырысьяслөн инöдъясыс öткодъöсь.

10. Конкурсса комиссиялөн заседаниеыс лыддысьö тыр вынаөн сэк, кор сэнi эмöсь сэтчö пырысьяс лыдысь джынсьыс унджыкыс. Конкурсса комиссиялысь помшүөмъяссö примитöны восьсөн гөлöсуйтöмөн заседание вылö воём конкурсса комиссияö пырысьяс лыдысь унджык гөлöсөн, сэк, кор гөлöс лыдыс öтмында, вына гөлöс инöдыс эм конкурсса комиссиялөн заседание дырйи веськöдлысьлөн.

11. Конкурсса комиссиялысь заседание нуöдан лунсянь 5 уджалан лун чöжөн конкурсса комиссиялөн кывкутысь секретар оформитö сёрнигижöдсö да котыртö конкурсса комиссиялөн заседание дырйи веськöдлысьсөн сийöс кырымалöмсö.

Сёрнигижöдын петкöдлöны конкурс нуöдан бöртасьяссö, сылысь кывкöртöдьяссö да индöны конкурсын вермысьяссö.

12. Конкурсса комиссиялысь уджсö котыртöм да технической боксянь могмöдö Коми Республикаса юстиция министерство.